



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-73-58/23
Datum: 31.1.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), čl. 69. stav (3) i 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka javne nabavke

Član 1.

Poništava se postupak javne nabavke **система за управљање ризикима**, objavljen na Portalu javnih nabavki Bosne i Hercegovine, Obavještenje o nabavci broj 1110-1-1-74-3-88/23 od 10.11.2023. godine, i koji je proveden otvorenim postupkom.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da su do roka za prijem ponuda u postupku, dana 01.12.2023. godine do 12:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigle su dvije ponude (2) ponuda i to ponuđača Alem sistem d.o.o. Sarajevo i Grupe ponuđača Cuspis d.o.o. Brčko distrikt BiH i Cuspis d.o.o. Zagreb. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača, te je konstatovala da ponude oba ponuđača ispunjavaju zahtjeve u pogledu opisa predmeta nabavke, tehničkih specifikacija i uslova za kvalifikaciju koji su postavljeni za ponuđača.

U skladu sa provedenom analizom i ocjenom ponude, u postupku, sa kriterijumom najniža cijena, i nakon provedene e-aukcije Komisija je utvrdila da ponuda Grupe ponuđača Cuspis



d.o.o. Brčko distrikt BiH i Cuspis d.o.o. Zagreb sa ukupnom cijenom od 155.000,00 KM bez PDV-a, odnosno 181.350,00 KM sa PDV-om najpovoljnija. Na osnovu prijedloga Komisije Agencija je donijela Odluku o izboru ove grupe ponuđača za najpovoljnijeg u postupku, broj 15-03-16-5-73-25/23 od 7.12.2023. godine, na koju je žalbu izjavio član izabrane grupe ponuđača Cuspis d.o.o. Brčko distrikt BiH. Dana 18.1.2024. godine Kancelarija za razmatranje žalbi Bosne i Hercegovine je donijela Zaključak, broj JN2-01-07-1-3844-7/23 kojim je žalba odbačena zbog nedostatka aktivne legitimacije žalioaca.

Predmetni postupak javne nabavke zbog izjavljene žalbe je obustavljen prije zaključivanja ugovora. Sa donošenjem navedenog zaključka Kancelarije za razmatranje žalbi Bosne i Hercegovine postupak se može nastaviti ali sada u novoj fiskalnoj godini, međutim sredstva za realizaciju ugovora bila su planirana budžetom prethodne godine.

Kako u prethodnoj budžetskoj godini nije bila stvorena obaveza za koju računi mogu biti ispostavljeni u narednoj fiskalnoj godini, odnosno nije bilo moguće da Agencija unese i evidentira obaveze u ISFU sistem na teret budžeta prethodne godine, ne postoji mogućnost za realizaciju eventualno zaključenog ugovora po postupku javne nabavke iz kog razloga ugovorni organ mora otkazati odnosni postupak javne nabavke na osnovu člana 69. stav (3) Zakona.

U skladu sa navedenim odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
digitalno potpisano / digitally signed